



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Broj: 01-GV-02-535-3/23
Datum, 29.03.2023. godine

Shodno odredbama člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) i člana 148. Poslovnika Gradskog vijeća Grada Sarajeva („Službene novine Kantona Sarajevo“, br. 28/09, 11/20 i 19/20), na 26. sjednici Gradskog vijeća Grada Sarajeva, održanoj dana 29.03.2023. godine, **zamjenica predsjedavajućeg Gradskog vijeća Mirela Džehverović** uputila je **inicijativu** u izlaganju sljedećeg sadržaja.

Potrebno je da Grad Sarajevo finansijski podrži učestvovanje učenika na STEM olimpijadi u 2023. godini, u iznosu od 5.000,00 KM, a imajući u vidu da su neki učenici ostvarili direktan plasman na takmičenje.

PREDSJEDAVAJUĆI GRADSKOG VIJEĆA

Jasmin Ademović, s.r.

Prilog: Akt Druge gimnazije Sarajevo

Dostaviti:

- Gradonačelnici,
- evidenciji,
- a/a.

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





**Druga
Gimnazija**

Sarajevo

Druga gimnazija Sarajevo

Sutjeska 1, 71000 Sarajevo

Tel:033/586361

contact@2gimnazija.edu.ba

Druga Gimnazija Sarajevo
Kontakt: 033/586361
033/586361

PRILIK - 30	29.03.2023
Dr. jed.	4/4
01-05-02-535- / 23	

Poštovani,

Obraćam Vam se ispred Druge gimnazije Sarajevo, kao profesorica biologije, sa molbom za finansiranje svjetske STEM olimpijade za osam naših učenika i učenica.

Prije svega, želim Vas upoznati sa našim radom do sada.

Ove godine, kao i prethodne dvije godine, naša škole se prijavila na svjetsko online takmičenje iz predmeta biologija, fizika i hemija(STEM). Učenike su pripremale profesorice biologije, fizike i hemije tokom nekoliko mjeseci. Prije dvije godine su ostvareni nevjerovatni rezultati iz Biologije (prvo, drugo i treće mjesto u različitim kategorijama). Prošle godine smo skupili donacije i otišli na svjetsku olimpijadu u Frankfurt juli 2022.god. (19-24.07.) u Njemačkoj (Frankfurt, Grand Finale). Učenica Matea Šarklinović je osvojila zlatnu medalju, a ostalih 6 učenika je osvojilo zlatnu nagradu iz oblasti STEM-a.

Ove godine takmičenje se ponovo održava kao integralna disciplina Popular Science koja je obuhvatala jedan ispit iz tri predmeta: biologija, hemija i fizika. Ovaj vid takmičenja je novi konceptualni pristup prirodnim naukama u svijetu. Više podataka o takmičenju možete naći na adresi <https://www.stemolympiad.online/Announcements.html>.

U februaru su naši učenici i učenice pristupili kvalifikacionom ispitu, i osam učenika je, na globalnom nivou, tačno uradilo preko 90% pitanja. Na kvalifikacijama je učestvovalo 3500 učenika i učenica iz cijelog svijeta. Na taj način su se kvalifikovali za finale iz oblasti Popular Science (Maša Mlinarević, Merjema Ljubović, Deni Bezdrob, Dozić Benjamin i Nedim Begović), kao i iz matematike i Computer science (Adian Krivić, Faruk Ibrahimović i Benjamin Mujkić). Svi navedeni učenici su ostvarili top 10 rezultate iz prethodno navedenih

kategorija i time ostvarili plasman na Grand finale. Finalno olimpijsko takmičenje je održano nedavno, a rezultati su objavljeni 15. marta. 2023.god.

Zadovoljstvo nam je istaći da su na tom svjetskom takmičenju, na kome je učestvovalo 1200 mladih ljudi, naši učenici i učenice pokazali značajne rezultate.

U julu 2023.god. (19-24.07) će se održati Grand finale u Francuskoj-Pariz, na kome svi želimo učestvovati, i naši učenici i učenice su vrlo motivisani i spremni raditi dalje. Na Grand Finalu učesnici će se takmičiti u dvije oblasti. Prva oblast su ispiti iz Popular science, a drugi dio biraju Computer science ili Matematika.

Međutim, ne možemo sami finansirati taj nivo takmičenja. Kotizacija za jednog učenika iznosi 2900 KM za Pariz, bez aviokarata. Kotizacija za Pariz u iznosi od 2900 KM i trajanju od 5 dana i 4 noćenja obuhvata: učešće u Grand Finalu, prevoz sa i do aerodroma, smještaj u hotelu sa 3 ili 4 zvjezdice sa doručkom, posjeta i obilazak znamenitosti Pariza, posjeta Sorboni, Disneyland parku.

Sa učenicima bi, naravno, trebao ići barem jedan nastavnik.

S obzirom da su "naša djeca" pokazala da zaslužuju priliku iskazati se i na tom takmičenju, koje je logični nastavak olimpijade i njihovih dosadašnjih uspjeha, nadam se da ćete nas finansijski podržati.

Također želim istaći da su učenici koji su prošle godine učestvovali na Grand finalu i osvojili zlatnu medalju, ove godine predloženi i dobili nagradu Sarajevska pahuljica grada Grada Sarajeva.

FINANSIJSKI OKVIR

	Grand Finale	aviokarte
	2900,00 KM po učeniku	Cca 800,00 KM po učeniku
ukupno	23.200,00 KM	6.400,00 KM
Ukupno:	29.600,00KM	

Ova molba dolazi u relativnoj "stisci" s vremenom, jer već do 15. aprila smo u obavezi uplatiti prvi dio kotizacije u iznosu od 7.200,00 KM.

Do 10. maja bismo trebali uplatiti ostatak kotizacije u iznosu od 16.000,00KM.

U kontaktu sa Mia Tours agencijom dobili smo informaciju o iznosu za karte u ovom period od cca 800,00 KM po osobi.

Ovim putem Vas molim da našim učenicima pomognete u ostvarenju njihovih snova i pomognete nam da predstavimo naš grad, Kanton i državu Bosnu i Hercegovinu u najboljem svjetlu.

Iznos za naš odlazak je izuzetno veliki za naše uslove, ali bismo vam bili zahvalni da nam uplatite koliko god ste u mogućnosti da našim učesnicima ostvarite snove.

Napomena: Molba je namijenjena samo za pomoć učenicima, nastavnik supervizor će snositi svoje troškove.

U slučaju da ne skupimo dovoljan iznos novca za odlazak na Grand finale u Pariz, obavezuemo se da ćemo donatorima vratiti uplaćeni novac.

U prilogu vam šaljem i potpisani ugovor između Druge gimnazije Sarajevo i glavnog odbora iStem olimpijade.

Upute za plaćanje:

Druga gimnazija Sarajevo,

Sutjeska 1

Transakcijski broj : 141 1965320008 475 otvoren kod BBI banke D.D. Sarajevo

Vrsta prihoda : 733112

Općina : 077

Poziv na broj : 1000000008

Budžetska organizacija: 2103002

Unaprijed zahvaljujem

Srdačan pozdrav,

Supervisor:

Dženisa Buljugić, mr. sci.



Direktor:

Seid Alibegović, prof.

Sarajevo, 28.03.2023.god